



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Tractatus De Fiducia In Deum Plurimas Et Utilissimas pro
vitâ spirituali instructiones Continens, Præcipue Ad
Obtinendam magnam animæ quietem, & afflictiones
quascunque ingenti cum solatio & fructu ...**

Dusault, Nicolas

Coloniæ Agrippinæ, 1660

§. 3. Gaudium Dei mensura est ceterorum.

[urn:nbn:de:hbz:466:1-50333](https://nbn-resolving.org/urn:nbn:de:hbz:466:1-50333)

atione uberi panis cælestis; quam dispar inquam illorum erat & impiorum gaudium; hi enim nescio quo ventorum turbine aut secundo fortunæ afflatu quotidianum sibi panem afferi fingebant haud considerantes datorē ejus Deum, perinde ac si eum non cognoscerent. Sed parum est ad commendationem fiduciæ in Deum quod hæc secundis in rebus gaudium nostrum augeat & confirmet; amplius aliquid præstat, nam & in ipsis adversis & afflictionibus eodem aut majore etiam sui studiosos replet gaudio, id quod mundi amatoribus, qui nihil nisi terrena sapiunt, paradoxum videtur, quod supra jam insinuavimus, sed hic pluribus operæ pretium est declarare.

§. III.

Gaudium Dei mensura est ceterorum.

AD hunc effectum plenius cognoscendū, præsupponi debet principium communi consensu receptum, quod videlicet inter naturæ cujusque sive essentiæ differentias invenitur aliqua, quæ sit veluti forma & mensura reliquarum, ita ut quò ad hanc unaquæque accedit propius, aut recedit longius, eo plus participet aut minus perfectionis in eâ differentia. Exempli causa, si de calore loquamur, sicut qui in igne est calor, excedit ceteros omnes qui reperiuntur in rebus aliis, ita illorum

est mensura perfectionis: Si de lumine, manifestum est quod lumen solis principatum teneat in virtute illuminandi, adeo ut quanto magis huic assimilantur cetera, tanto plus perfectionis habeant in genere illuminationis. Pari modo dico quod Dei gaudium sine dubitatione omnium aliorum gaudiorum verissima regula est & mensura; ut enim ipse bonus est & origo rerum omnium, sic unus ipse totius omnium perfectiones & quidem eminentiore atque excellentiore modo in se complectitur universas, in quibus gaudium ipsius ut precipue emineat necesse est, utpote in quo eius consistit beatitudinis summa possessio. Unde inferitur quod tanto gaudia nostra erunt maiora quanto illi divino similia, quod quidem nemo sit usquam gentium qui perfectius noceriusque gaudere possit quam quisquis in Deo & de Deo solo gaudet. Ipse siquidem Deus non alio aliquo, quam in se & de se solo gaudet: cui res creatæ omnes ne minimam quidem particulam gaudii afferre valent haud magis quam ipsa tristitia. Quod si dicitur in scripturis sanctis: *Letabitur Dominus in operibus iustorum* psal. 103. iisdem quoque dicitur: *tactus dolorem cordis intrinsecus*. Gen. 6. Et iterum: *Nolite contristare spiritum Sanctum Dei* ad Eph. 4. Quæ tamen non ita dicuntur quasi vel tristitia, vel poenitentia vel alternatio gaudium

Deo locum habeat; sed quod ita signis iisdem
 declarat, quibus solent homines cū gaudent,
 cum tristantur, cum eos pœnitent; aut quod, ut
 dicunt alii, eiusmodi edat effectus passionum
 sine ullâ tamen vel mutationis, vel sensus,
 quatenus adjunctam habent imperfectionem
 vicissitudine.

§ VI.

*Fiducia in Deum parit gaudium in tribulatio-
 nibus quodammodo simile divino.*

Hoc posito fundamento non est difficile
 ostendere in iis qui patiuntur cum per-
 fectâ in Deum fiducia, generari perfectū gau-
 dium etiam tunc cum gravissimas sustinent
 & tribulationes & persecutiones. Nam sicut
 hac eruditi virtute, bona quæque velut de
 manu Dei suscipiunt, ita eadem magistra vir-
 tute intelligunt mala, quæ patiuntur, sibi à Deo
 infligi, ut ex afflictionibus suis major in Deum
 gloria redundet; & cum amor proprius in ad-
 versis non inveniatur locum, quem habet non-
 nunquam in prosperis, toto mentis impetu om-
 nique conatu in unum Deum tendunt, &
 quanto pluribus gravioribus premuntur ma-
 lis, tanto se Deo, a quo vocantur, conjungunt
 arctius & in eo sincerius delectantur omni a-
 liunde destituti oblectatione. Hinc jaectura
 honorum sanitatis, existimationis, ex quibus
 prius capiebant voluptatem, solidius in illis
 parit